



SECTIO I.

De ortu animæ.

§. I.

Sui & aliarum rerum sibi conscium esse, cogitare dicitur. Ens in nobis cogitans dicitur anima.

§. 2. *Materia* sive *compositum* cogitare nequit. (per principia Psychol.) Ergo nec pars materiæ sive elementum materiale. Quicquid ergo cogitat, simplex, nullius materiæ constitutum erit. Anima ergo simplex erit, anima ergo pars nulla erit materiæ constitutiva.

Obs. Principia hæc ex Metaphysicis satis nota & decantata supponimus. Præter summum seculi nostri Philosophum Psych. rat. §. 44. 46. de argumento paragraphi hujus ex instituto tractans conferatur Berolinensium quondam Philosophus & Theologus cel. Reinbekius in peculiari de Immortalitate animæ libro. In quem censum etiam referenda est Doctissimi & acutissimi inter Regiomontanos Philosophi Knutzii Dissertatio ad hoc argumentum pertinens. Post quos nobis otium facientes viros, ne deteriora adferendo gratiam

B

scripti